

## Ո Ր Ո Շ ՈՒ Մ

### Արգելադրված գույքը հարկադիր էլեկտրոնային աճուրդով իրացնելու մասին

10.09.2018թ.

ք.Երևան

Հարկադիր կատարումն ապահովող ծառայության Երևան քաղաքի Շենգավիթ բաժնի հարկադիր կատարող, արդարադատության ավագ լեյտենանտ՝ Ս.Օհանյանս, ուսումնասիրելով 10.09.2018թ. վերսկսված թիվ 04130798 կատարողական վարույթների նյութերը.

## Պ Ա Ր Զ Ե Ց Ի

Երևան քաղաքի ընդհանուր իրավասության դատարանի կողմից 05.03.2018թ. տրված թիվ ԵՇԴ/3470/02/16 կատարողական թերթի համաձայն պետք է Էդգար Կարենի Ավետիսյանից հոգուտ «Յունիբանկ» ԲԲ ընկերության բռնագանձել 308.915 (երեք հարյուր ութ հազար ինը հարյուր տասնհինգ) ՀՀ դրամ՝ որպես վարկի ընդհանուր պարտքի գումար, որից՝ 135.993,50 ՀՀ դրամը՝ ժամկետանց վարկ, 12.533,30 ՀՀ դրամը՝ ժամկետանց տոկոս, 142.575,60 ՀՀ դրամը՝ ժամկետանց վարկի տույժ, 17.812,60 ՀՀ դրամը՝ ժամկետանց տոկոսի տույժ:

Ժամկետանց վարկի՝ 135.993,50 (մեկ հարյուր երեսունհինգ հազար ինը հարյուր ինսուններեք ամբողջ հիսուն հարյուրերորդական) ՀՀ դրամի և ժամկետանց տոկոսի՝ 12.533,30 (տասներկու հազար հինգ հարյուր երեսուններեք ամբողջ երեսուն հարյուրերորդական) ՀՀ դրամի նկատմամբ սկսած 2016թ. հուլիսի 22-ից մինչև դրա փաստացի մարումը յուրաքանչյուր ուշացած օրվա համար 0.5 տոկոսի չափով շարունակել տույժի հաշվարկը, որը Էդգար Կարենի Ավետիսյանից բռնագանձել հոգուտ «Յունիբանկ» ԲԲ ընկերության:

Էդգար Կարենի Ավետիսյանից հոգուտ «Յունիբանկ» ԲԲ ընկերության բռնագանձել 6.180 (վեց հազար մեկ հարյուր ութսուն) ՀՀ դրամ՝ որպես նախապես վճարված պետական տուրքի գումար:

Պարտապանից պետք է բռնագանձել նաև բռնագանձման ենթակա գումարի հինգ տոկոսի չափով գումար, որպես կատարողական գործողությունների կատարման ծախս:

Կատարողական գործողությունների ընթացքում արգելանք է դրվել պարտապան Էդգար Պետրոսյանին պատկանող «OPEL ASTRA 1.8 I» մակնիշի, 34 TF 721 պետհամարանիշի /1998թ./ ավտոմեքենայի վրա:

Վերոգրյալի հիման վրա և ղեկավարվելով «Դատական ակտերի հարկադիր կատարման» մասին ՀՀ օրենքի 28, 43 հոդվածներով և «Հրապարակային սակարկությունների մասին» ՀՀ օրենքի 35.1-35.4 հոդվածներով:

## Ո Ր Ո Շ Ե Ց Ի

Պարտապան՝ Էդգար Ավետիսյանին պատկանող ներքոհիշյալ գույքը

| h/<br>h | լուծի անվանումը նկարագիրը               | գնահատման<br>գինը  | մեկնարկային գինը | գույքի<br>քանակը |
|---------|-----------------------------------------|--------------------|------------------|------------------|
| 1.      | OPEL ASTRA 1.8 I<br>/1998թ./, 34 TF 721 | 600.000 ՀՀ<br>դրամ | 450.000 ՀՀ դրամ  | մեկ հատ          |

ներկայացնել հարկադիր էլեկտրոնային աճուրդի, էլեկտրոնային համակարգի կիրառմամբ՝ հարկադիր կատարման ծառայության աճուրդի էլեկտրոնային կայքի՝ [harkadir.ajurd.am](http://harkadir.ajurd.am) միջոցով: Հարկադիր էլեկտրոնային աճուրդի սկիզբը՝ 29.10.2018թ.:

Որոշման պատճենը ուղարկել կողմերին:

Որոշումը կարող է բողոքարկվել ՀՀ վարչական դատարան կամ վերադատության կարգով, որոշումը ստանալու օրվանից 10 օրվա ընթացքում:

«Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները, բացառությամբ օրենքով նախատեսված դեպքերի:

ՀԱՐԿԱԴԻՐ ԿԱՏԱՐՈՂ  
ԱՐԴԱՐԱԴԱՏՈՒԹՅԱՆ ԱՎԱԳ ԼԵՅՏԵՆԱՆՏ՝



Ս.ՕՀԱՆՅԱՆ

**Ծ Ա Ն Ո Թ ՈՒ Թ Յ ՈՒ Ն** Յուրաքանչյուր լոտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լոտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում զետեղվում է կրկնակի հարկադիր էլեկտրոնային աճուրդի դրված լոտի մասին ծանուցումը:

Եթե աճուրդը չի կայացել գնորդ չլինելու կամ լոտի մեկնարկային գնի հավելում չկատարվելու հիմքով, ապա հաջորդ հարկադիր աճուրդ կազմակերպելուց վաճառվող լոտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լոտի գնման գինը սահմանված ժամկետում չվճարվելու կամ առուվաճառքի պայմանագիրը չստորագրելու հիմքերով, ապա լոտի մեկնարկային գնի իջեցում տեղի չի ունենում: Եթե պարտապանն ունի այլ գույք, ապա լոտի մեկնարկային գինը տասներորդ հարկադիր աճուրդից հետո հաջորդ աճուրդներում չի իջեցվում: Եթե պարտապանը չունի այլ գույք, ապա հաջորդ աճուրդներում լոտի մեկնարկային գինը չի իջեցվում քսաներորդ հարկադիր աճուրդը չկայանալու դեպքում:

«Հրապարակային սակարկությունների մասին» ՀՀ օրենքի 35.4 հոդվածի 4-րդ, 5-րդ և 6-րդ մասերի համաձայն երկրորդ և յուրաքանչյուր աճուրդից հետո, լոտը /գույքը/ չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունել այդ աճուրդի մեկնարկային գնով: Պահանջատերը պահանջի դիմաց լոտը իրեն հանձնելու վերաբերյալ գրավոր պահանջը կարող է ներկայացնել Հարկադիր կատարումն ապահովող ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը /լոտը/ պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց, իսկ գույքի /լոտի/ հանձնման կապակցությամբ հարկեր վճարելու պարտականություն առաջանալու դեպքում նաև դրա կատարումը հավաստող փաստաթղթերը ներկայացնելուց հետո: